



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Angela De Fvlginio, In Qvo Ostenditur Nobis vera via qua
possumus sequi vestigia nostri Redemptoris**

Angela <de Fulginio>

Parisiis, 1598

c. 28. De 9. consolatione & visione, in qua fuit ei promissum quod concederetur sibi id quod Virgini Dominæ nostræ iamdiu supplicarat, scilicet quod obtineret ei gratiam, vt certior fieret se in his ...

urn:nbn:de:hbz:466:1-43716

nus habet in vita æterna, habet plus quàm possit dari alicui animæ existēti in hac vita ante mortē corporis: & dico quod anima mea in illo inenarrabili manifestare Dei, hoc intellexit.

Vigesimum octauum capitulum. De nona consolatione & visione, in qua fuit ei promissum quod concederetur sibi id quod Virgini Domina nostra iam diu supplicarat, scilicet quod obtineret ei gratiam, vt certior fieret se in his visionibus non decipi.

QUODAM tempore in festo beatæ Mariæ Virginis aliquanto tempore post conuersionem meam, rogavi beatam Virginem vt impetraret mihi gratiam à filio suo qua cognoscerem, quod non essem decepta in locutionibus quæ fiebāt mihi. Facta est autem mihi locutio diuina promittens mihi, quod ita fieret. Subiunxitq; dicens. Deus ostendit

ostendit se tibi, locutus est tibi,
dedit sentimentum suum de se
tibi. Tu igitur euites loqui, vi-
dere & audire omnia: nisi se-
cundum eum: & intelligebam
omnia prædicta mihi dici cum
multa discretione, & magna ma-
turityte: & in prædictis locutio-
nibus quæ fiebant mihi, ego re-
mansi in lætitia, & in magna spe
habendi hoc, quod postulaue-
ram. Dixit etiam mihi in prædicta
locutione, quod fieret mihi gra-
tia, quod quicquid facerem, fa-
cerem cum sua licentia. Cœpi
igitur facere illa tria quæ dicta
fuerant mihi: & cor meum fuit
leuatum ab omnibus terrenis, &
positum in Deo, & quicquid fa-
ciebam, siue comederem, siue
loquerer, non impediabat, quin
cor meum semper esset in Deo,
& nihil poteram cogitare nec
videre, nec sentire nisi Deum. Et
quando steteram ad orationem,
& volebam ire ad comedendum,

petebam licentiam, & ipse dabat mihi dicens. Vade, comede cum benedictione Patris & Filij & Spiritus sancti: & dabat mihi licentiam aliquando citò, aliquando magis tardè: & hoc duravit tribus diebus & noctibus. Tandem facta in spiritu, vidi Deum in quadam missa circa elevationem corporis Christi. Post cuius visionem remansit in me dulcedo inenarrabilis & lætitia magna, qua non credo carere in tota vita mea: & in prædicta visione certificata sum de prædicto quod petiueram, nec remansit in me aliquod dubium de hoc: & ibi fuit mihi satisfactum & totaliter adimpletum, quod non eram decepta in locutionibus prædictis.